

Hercegovačko-neretvanskog kantona

Bosna i Hercegovina
 Federacija Bosne i Hercegovine
 HERCEGOVAČKO-NERETVANSKI KANTON
 VLADA

Broj: 01-1-02-313/14
 Mostar, 25.2.2014. godine

P R E D S J E D N I K

Denis Lasić, s.r.

93

Na osnovu člana 16. stav 1. i člana 17. stav 2. Zakona o Vladi HNK („Službene novine HNK“, broj: 3/07 i 5/09) i člana 17. stav 1. Zakona o koncesijama Hercegovačko-neretvanskog kantona („Službene novine HNK“, broj: 1/13), Vlada Hercegovačko-neretvanskog kantona je na 56. sjednici, održanoj 25.2.2014. godine, donijela

O D L U K U

O NAČINU UTVRĐIVANJA, NAČINU I ROKOVIMA PLAĆANJA KONCESIJE NAKNADE ZA EKSPLOATACIJU MINERALNIH SIROVINA NA PODRUČJU HERCEGOVAČKO-NERETVANSKOG KANTONA

I – OPĆE ODREDBE

I

Ovom Odlukom uređuje se način za utvrđivanje koncesione naknade za eksploataciju mineralnih sirovina na području Hercegovačko-neretvanskog kantona, kao i način i rokovi plaćanja koncesione naknade za eksploataciju mineralnih sirovina.

II

Koncesiona naknada za eksploataciju mineralnih sirovina sastoji se od:

- a) jednokratne koncesione naknade, koja predstavlja naknadu za dodijeljeno pravo eksploatacije mineralnih sirovina;
- b) tekuće (godišnje) koncesione naknade, koja se obračunava za eksploataciju mineralne sirovine.

II – JEDNOKRATNA KONCESIONA NAKNADA

III

(1) Osnovica za utvrđivanje jednokratne koncesione naknade je ekonomska ocjena vrijednosti

ležišta koja je utvrđena u revidiranom elaboratu o klasifikaciji, kategorizaciji i proračunu rezervi mineralnih sirovina.

(2) Osnovica za utvrđivanje jednokratne koncesione naknade može biti i ukupan projektovani prihod za vrijeme ugovora o koncesiji koji se prikazuje u Studiji ekonomske opravdanosti dodjele koncesije.

IV

Utvrđena jednokratna koncesiona naknada ne može biti manja od 1,5% od osnovice iz tačke III ove Odluke.

V

(1) Jednokratna koncesiona naknada se naplaćuje na način da koncesionar odmah, a najdalje u roku od 15 (petnaest) dana od dana zaključenja ugovora o koncesiji, plati minimalno 20% iznosa ove naknade.

(2) Preostali dio iznosa jednokratne koncesione naknade koncesionar će plaćati u obrocima.

(3) Broj obroka preostalog dijela naknade iz stava (2) ove tačke i dužina roka u kojima se isti trebaju uplatiti regulišu se ugovorom o koncesiji, s tim da rok u kojem se ukupan iznos ove naknade mora uplatiti ne može biti duži od jedne trećine roka trajanja koncesije.

VI

Jednokratna koncesiona naknada može biti i veća od naknade utvrđene na osnovu ove Odluke, u slučaju kada u postupku dodjele koncesije na osnovu javnog poziva ili nadmetanja po pozivu, ponuđač sam ponudi veći iznos naknade, odnosno ako ugovorom o koncesiji ugovorne strane ugovore veću naknadu.

III – TEKUĆA (GODIŠNJA) KONCESIONA NAKNADA

VII

(1) Obaveza plaćanja tekuće (godišnje) koncesione naknade nastaje i traje za vrijeme trajanja koncesije, odnosno za vrijeme eksploatacije mineralne sirovine.

(2) Osnovica za utvrđivanje tekuće (godišnje) koncesione naknade je ukupna količina iskopane mineralne sirovine u godini za koju se izračunava (obračunska godina).

(3) Tekuća (godišnja) koncesiona naknada se izračunava na način da se ukupna količina iskopane mineralne sirovine izražene u m³ ili toni čvrste mase pomnoži s koeficijentom vrijednosti (cijenom) izraženom u konvertibilnim markama (KM).

(4) Koeficijent vrijednosti (cijene) iz stava (3) ove tačke po pojedinim vrstama mineralnih sirovina

Hercegovačko-neretvanskog kantona

utvrđuje ministar privrede za svaku godinu (najkasnije do 15. januara za tekuću godinu) posebnim aktom.

(5) Ukoliko akt iz stava (4) ove tačke ne bude donesen u roku, do njegovog donošenja ostaje na snazi akt koji vrijedi za prethodnu godinu.

VIII

(1) U cilju utvrđivanja visine tekuće (godišnje) koncesione naknade, koncesionar za svaku obračunsku godinu trajanja koncesije utvrđuje godišnji plan eksploatacije mineralne sirovine.

(2) Na plan iz stava (1) ove tačke Ministarstvo privrede daje saglasnost.

IX

(1) Tekuća (godišnja) koncesiona naknada se obračunava i naplaćuje na osnovu utvrđivanja činjeničnog stanja na kraju svake kalendarske godine trajanja koncesije, a najdalje do 31.1. naredne kalendarske godine u odnosu na godinu za koju se naknada obračunava.

(2) Ukoliko se utvrđivanjem činjeničnog stanja utvrdi da je količina iskopane mineralne sirovine manja od količine utvrđene u planu iz tačke VIII ove Odluke, onda osnovica za obračun tekuće (godišnje) naknade ne može biti manja od 70% od količine utvrđene planom.

X

Tekuća (godišnja) koncesiona naknada može biti i veća od naknade utvrđene na osnovu ove Odluke, u slučaju kada u postupku dodjele koncesije na osnovu javnog poziva ili nadmetanja po pozivu, ponudač sam ponudi veći iznos naknade, odnosno ako ugovorom o koncesiji ugovorne strane ugovore veću naknadu.

IV – PRELAZNE I ZAVRŠNE ODREDBE

XI

Za utvrđivanje iznosa jednokratne i tekuće (godišnje) koncesione naknade, za utvrđivanje koeficijenta vrijednosti (cijena) iz tačke VII stav (4) ove Odluke, kao i za utvrđivanje činjeničnog stanja iz tačke IX ove Odluke, ministar privrede može, po potrebi, formirati stručnu komisiju.

XII

Danom stupanja na snagu ove Odluke prestaje važiti Odluka o utvrđivanju visine naknada za koncesije za eksploataciju mineralnih sirovina na području Hercegovačko-neretvanskog kantona („Službene novine HNK“, broj: 12/08 i 4/09).

XIII

Odluka stupa na snagu osmog dana od dana objavljivanja u „Službenim novinama Hercegovačko-neretvanskog kantona“.

Bosna i Hercegovina

Federacija Bosne i Hercegovine

HERCEGOVAČKO-NERETVANSKI KANTON

V L A D A

Broj: 01-1-02-300/14

Mostar, 25.2.2014.godine

P R E D S J E D N I K

Denis Lasić, s.r.

94

Na osnovu člana 16. stav 1. i člana 17. stav 2. Zakona o Vladi HNK („Službene novine HNK“, broj: 3/07 i 5/09) i člana 17. stav 1. tačka c) Zakona o koncesijama Hercegovačko-neretvanskog kantona („Službene novine HNK“, broj: 1/13), Vlada Hercegovačko-neretvanskog kantona je na 56. sjednici, održanoj 25.2.2014. godine, donijela

O D L U K U

**O NAČINU UTVRĐIVANJA I ROKOVIMA
PLAĆANJA KONCESIONE NAKNADE
ZA KORIŠTENJE POLJOPRIVREDNOG
ZEMLJIŠTA U DRŽAVNOJ SVOJINI
NA PODRUČJU HERCEGOVAČKO-
NERETVANSKOG KANTONA**

I – OPĆE ODREDBE

I

Ovom Odlukom uređuje se način utvrđivanja i plaćanja koncesione naknade, kao i rokovi plaćanja koncesione naknade za korištenje poljoprivrednog zemljišta u državnoj svojini na području Hercegovačko-neretvanskog kantona.

II

(1) Naknada za korištenje koncesije plaća se na teret materijalnih troškova koncesionara.

(2) Koncesiona naknada za korištenje poljoprivrednog zemljišta u državnoj svojini sastoji se od:

a) jednokratne koncesione naknade, koja predstavlja naknadu za dodijeljeno pravo